




1

Republika e Kosovës
Republika Kosovo - Republic of Kosovo
Autoriteti i Konkurrencës
Autoritet za Konkurenciju - Competition Authority



Nr.28/2024

Datë: 13.03.2024

Mbështetur në nenin 11 paragrafi 1.2 dhe 3 me nën paragrafët 3.1 dhe 3.2, neni 13 paragrafi 1 me nën paragrafin 1.2, neni 15, neni 20 paragrafi 1 me nën paragrafin 1.2, neni 26 paragrafi 1.2, neni 27 paragrafi 2, neni 36 paragrafi 3 nën paragrafi 3.1, neni 37, neni 38, neni 39 si dhe neni 55, paragrafi 2 me nën paragrafin 2.1 i Ligjit Nr. 08/L-056 për Mbrojtjen e Konkurrencës (Gazeta zyrtare Nr.14/7 e dt. 07.06.2022); Sekretariati i Autoritetit të Konkurrencës duke vepruar sipas detyrës zyrtare, ka kryer shqyrtimin paraprak të hetimit lidhur me dyshimin e arsyeshëm se ndërmarrja “Elektra” L.L.C., ka realizuar shitblerje të aksioneve në tregun përkatës, për të cilat përmbushet detyrimi ligjor për njoftimin e përqendrimit. Komisioni i Autoritetit të Konkurrencës të Republikës së Kosovës, në mbledhjen e mbajtur me datën 13.03.2024, nxjerr:

KONKLUZION

për fillimin e procedurës hetimore ndaj:

- I. Ndërmarrja “Elektra” L.L.C. me emër tregtar “Elektra” Telkos, SHPK, e themeluar më datë 18.11.2020, me numër unik identifikues: 811481887, me adresë, Hani i Elezit, Rruga Adem Jashari nr.220, për shkak të dyshimeve të arsyeshme se e njëjta ka realizuar shitblerje të aksioneve të ndërmarrjes, “Fiberlink” SH.P.K me NUI 811126904, me adresë në Gjakovë, Skënderbeu 53, (provë: Shpalosjet e raportit financiar 2022).
- II. Autoriteti i Konkurrencës kërkon nga ndërmarrja e lartcekur, si në diapozitivin I të këtij konkluzioni që në afat prej **30 ditësh** t’i sjell në zyrat e Autoritetit këto dokumente:
 - a) Informatat e biznesit (Certifikatën e regjistrimit, Informacionet e biznesit dhe Certifikatën e numrit unik);
 - b) Pasqyrat financiare të “Elektra” L.L.C. për vitet 2021, 2022, 2023;
 - c) Marrëveshjet (kontratat) për shitblerjen e aksioneve, më ndërmarrje/operatorë, në tregun përkatës të telekomunikimeve dhe audiovizive (kabllore);
 - d) Kontratat apo marrëveshjet, për të gjitha kanalet që operatorët kanë në transmetim;
 - e) Numrin e klientëve nëpër komuna, të listohen sipas fshatrave dhe qyteteve për vitet 2020, 2021, 2022, 2023 deri në muajin Shkurt 2024;
 - f) Ofertat për të gjitha kategoritë e shërbimeve për vitet 2021, deri me 2024;
- III. Në rast se pala në procedurë nuk i dorëzon komentet dhe dokumentet e kërkuara si në dispozitivin II të këtij konkluzioni apo dorëzojnë dokumente të pa-sakta apo të rreme, Autoriteti do të konstatojë shkeljen e këtij ligji dhe do t’i shqiptojë palës në procedurë, sanksionin administrativ deri në 1% të qarkullimit vjetor të vitit paraprak dhe pastaj do të vazhdojë procedurën hetimore duke i përdorur mjetet tjera ligjore të përcaktuara me Ligjin për Mbrojtjen e Konkurrencës.

IV. Ky konkluzion hyn në fuqi ditën e nënshkrimit nga ana e Komisionit.

A r s y e t i m

Autoriteti i Konkurrencës i Republikës së Kosovës, ka filluar monitorimin e tregut duke u bazuar në shkrimet e botuara në mediat elektronike, rrjete sociale. Andaj, Autoriteti pas mbledhjes së informatave lidhur me dyshimet për transaksionin e realizuar, rrjedhimisht blerjes së aksioneve apo fitimit të kontrollit mbi ndërmarrjet tjera në tregun përkatës, për të cilat dyshohet se përmbushin detyrimin për paraqitje të Njoftimit për Përqendrim, bazuar në nenin 11 dhe 13, të Ligjit 08/L-056 për Mbrojtjen e Konkurrencës (Gazeta zyrtare Nr. 14/7, më tutje në tekst: LMK). Lidhur me këtë rast Drejtori i Përgjithshëm i Autoritetit të Konkurrencës, ka autorizuar monitorimin e tregut përkatës, sipas detyrës zyrtare (*ex-officio*) në zbatim të nenit 36 paragrafi 1 nënparagrafin 1.1, si dhe paragrafi 3 nënparagrafi 3.1.

PALË NË PROCEDURË:

Palë në procedurë të zhvilluar nga Autoriteti i Konkurrencës konsiderohet ndërmarrja:

1. “Elektra” L.L.C. me emër tregtar “Elektra” Telkos, e themeluar më datë 18.11.2020, , me numër unik identifikues: 811481887, me adresë Hani i Elezit, Rruga Adem Jashari nr.220.

PËRSHKRIMI I GJENDJES FAKTIKE:

Autoriteti gjatë shqyrtimit paraprak të hetimit në tregun e telekomunikimeve dhe kabllore në territorin e Republikës së Kosovës, në bazë të informatave preliminare që posedon, ekziston dyshimi i arsyeshëm se: “Elektra” L.L.C., me NUI: 811481887, ka realizuar blerjen e aksioneve të ndërmarrjes, e cila vepron në tregun përkatës të telekomunikimit dhe audiovizive - kabllore. Autoriteti konsideron se: Transaksioni/blerja është realizuar, pa e dorëzuar njoftimin e detyrueshëm për qëllimin e përqendrimit parashikuar sipas nenit 13 dhe 15 të Ligjit 08/L-056 për Mbrojtjen e Konkurrencës.

Bazuar në nenin 13 paragrafi 1 i Ligjit Nr. 08/L-056 për Mbrojtjen e Konkurrencës, parashihet së Pjesëmarrësit në përqendrim duhet t’i kërkojnë paraprakisht Autoritetit t’ua lejojë realizimin e përqendrimit të synuar nëse:

1.1. pjesëmarrësit në përqendrim kanë mbi njëzet (20) milionë euro qarkullim të përbashkët në tregun ndërkombëtar dhe njëri pjesëmarrës në përqendrim ka mbi një (1) milion euro qarkullim në tregun e brendshëm; ose

1.2. së paku dy pjesëmarrës në përqendrim kanë mbi tre (3) milionë euro qarkullim në tregun e brendshëm.

Autoriteti konsideron se çdo realizim i përqendrimit të ndërmarrjeve nga neni 13 i këtij ligji, pjesëmarrësit e përqendrimit janë të detyruar ta njoftojnë Autoritetin, kur të plotësohen kushtet e përcaktuara, gjithashtu Neni 12 e përcakton shprehimisht se ndalohen përqendrimet që mund të shtrembërojnë ndjeshëm konkurrencën efektive, veçanërisht nëse përqendrimi i tillë ka si pasojë krijimin ose forcimin e pozitës dominuese, që nënkupton se lëndët e caktuara duhet t’i nënshtrohen paraprakisht vlerësimit nga Autoriteti i Konkurrencës.

përcaktuara, gjithashtu Neni 12 e përcakton shprehimisht se ndalohen përqendrimet që mund të shtrembërojnë ndjeshëm konkurrencën efektive, veçanërisht nëse përqendrimi i tillë ka si pasojë krijimin ose forcimin e pozitës dominuese, që nënkupton se lëndët e caktuara duhet t'i nënshtrohen paraprakisht vlerësimit nga Autoriteti i Konkurrencës.


Autoriteti konsideron se me marrëveshjen për realizimin e bashkimit apo blerjes së aksioneve të ndërmarrjeve, në treg ka një konkurrent më pak, rrjedhimisht zvogëlohet konkurrenca në tregun përkatës, kështu që ndërmarrjet janë të detyruara të paraqesin njoftimin për Përqendrim pranë Autoritetit, për arsye të vlerësimit të ndikimit ekonomik dhe juridik, respektivisht krijimit apo forcimit të Pozitës Dominuese, në tregun përkatës.

Me rastin e vlerësimit për arsyeshmërinë e marrjes së vendimit, Autoriteti merr parasysh të gjitha rrethanat e rastit, veçanërisht peshën e dëmit që mund t'u paraqiten pjesëmarrësve të përqendrimit ose palëve të treta, si dhe efekteve të konkurrencës që mund të lindin nga zbatimi i përqendrimit. Andaj, nga sa u tha më lartë, Komisioni i Autoritetit të Konkurrencës i Republikës së Kosovës, duke u bazuar në nenin 37 të Ligjit Nr. 08/L-056 për Mbrojtjen e Konkurrencës, vendosi si në dispozitiv të këtij konkluzioni.

Këshilla juridike: Kundër këtij konkluzioni nuk është e lejuar ankesa, por pala me padi mund të iniciojë konflikt administrativ pranë Gjykatës kompetente për çështje administrative në afat prej 30 ditësh, nga data kur pala është njoftuar për aktin administrativ.

AUTORITETI I KONKURRENCËS KOMISIONI

Neime Binaku - Isufi
Kryetare



Kaltrina Sela
Zv. Kryetare



Nafije Osdautaj
Anëtare



Florent Mehmeti
Anëtar



Salihe Gashi-Loku
Anëtare



Me këtë KONKLUZION të njoftohen:

- Palët në procedurë
- Arkiva